



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **10-854-18/18**
Datum: 5.11.2018. godine

Na osnovu člana 69. stav (2) tačka d), člana 70. stavovi (1) i (3) i člana 100. stav (3) Zakona o javnim nabavkama ("Službeni glasnik BiH", broj 39/14) i preporuke Komisije za provođenje postupka javne nabavke usluga „Ažuriranje biotičke tipologije, granica ekoregiona i subekoregiona, referentnih uslova i bioloških parametara za ocjenu stanja voda" putem otvorenog postupka, donosim

ODLUKU

o poništenju postupka za javnu nabavku usluga „Ažuriranje biotičke tipologije, granica ekoregiona i subekoregiona, referentnih uslova i bioloških parametara za ocjenu stanja voda"

Član 1.

Poništava se postupak javne nabavke usluga „Ažuriranje biotičke tipologije, granica ekoregiona i subekoregiona, referentnih uslova i bioloških parametara za ocjenu stanja voda" zato što niti jedna od dostavljenih ponuda nije prihvatljiva.

Član 2.

Za izvršenje ove Odluke zadužuje se Sektor za upravljanje vodama Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 4.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 10-854-2/18 od 16.8.2018. godine. Javna nabavka je provedena putem otvorenog postupka. Procijenjena vrijednost nabavke bez PDV-a iznosi 76.000,00 KM. Obavještenje o nabavci broj: 1132-1-2-142-3-123/18 je poslato na objavu i objavljeno na portalu javnih nabavki dana 03.09.2018. godine.

Na adresu Agencije su pristigle sljedeće ponude:

R. broj	PONUĐAČ	Cijena na (javnom) otvaranju KM (bez PDV-a)
1.	Grupa ponuđača: INSTITUT ZA GRAĐEVINARSTVO IG d.o.o. Banja Luka i J.U. PRIRODNO-MATEMATIČKI FAKULTET Banja Luka	65.000,00
2.	PRIRODNO MATEMATIČKI FAKULTET SARAJEVO	76.000,00

Komisija za nabavku je imenovana Rješenjem broj: 10-854-4/18 od 4.9.2018. godine. Komisija je blagovremeno i pravilno izvršila otvaranje i ocjenu pristiglih ponuda, o čemu je sačinila Zapisnik o otvaranju ponuda i Zapisnik o pregledu i ocjeni ponuda.

Komisija je predložila Ugovornom organu da se postupak javne nabavke usluga „Ažuriranje biotičke tipologije, granica ekoregiona i subekoregiona, referentnih uslova i bioloških parametara za ocjenu stanja voda“ dodijeli ponuđaču PRIRODNO MATEMATIČKI FAKULTET SARAJEVO kao najbolje ocjenjenom ponuđaču. Donesena je Odluka o izboru najpovoljnijeg ponuđača broj 10-854-10/18 od 16.10.2018. godine.

Dana 31.10.2018. godine Ugovorni organ je zaprimio Žalbu na Odluku o izboru najpovoljnijeg ponuđača žalioca INSTITUT ZA GRAĐEVINARSTVO IG d.o.o. Banja Luka. Komisija je nakon ponovnog pregleda ponude ponuđača PRIRODNO MATEMATIČKI FAKULTET SARAJEVO utvrdila da je navedena ponuda neprihvatljiva i predložila Ugovornom organu poništenje Odluke o izboru najpovoljnijeg ponuđača broj 10-854-10/18 od 16.10.2018. godine. Ugovorni organ je donio Odluku o poništenju gore navedene Odluke o izboru najpovoljnijeg ponuđača.

Nakon donesene Odluke o poništenju Odluke o izboru najpovoljnijeg ponuđača broj 10-854-____/18 od 5.11.2018. godine Komisija je izvršila ponovnu kvalifikaciju ponuda i utvrdila sljedeće:

1. Grupa ponuđača: INSTITUT ZA GRAĐEVINARSTVO IG d.o.o. Banja Luka i J.U. PRIRODNO-MATEMATIČKI FAKULTET Banja Luka u predmetnom postupku javne nabavke je dostavila neprihvatljivu ponudu broj: 3483/18 od 24.09.2018. godine zato što:

- Nije ispunjen kvalifikacioni uslov iz tačke 3.1. d. tačka 1. tenderske dokumentacije – uspješno iskustvo u realizaciji najmanje dva ugovora u proteklih tri godine, u skladu sa predmetom nabavke, a koji se odnosi na pripremu podloga/projekata za potrebe izrade zakonske ili podzakonske regulative u segmentu definisanom u Projektnom zadatku. Naime, u Referenc listi dostavljenoj u ponudi grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka navedena su dva projekta, iz čijih Potvrda o uspješnoj realizaciji niti Ugovora o sufinansiranju nije vidljivo da su se radili u svrhu pripreme podloga za potrebe izrade zakonske ili podzakonske regulative.
- U ponudi grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka jedan od koordinatora projekta, Dragojla Golub, je ujedno nominirana i kao ekspert za makrozoobentos, mada se pozicija eksperta za makrozoobentos tražila tačkom 3.1. d) tačka 2. pod III. Tenderske dokumentacije.

Navedeni koordinator projekta ne posjeduje znanje iz segmenta sa tematikom istraživanja makroozobentosu, već je ekspert za ihtiofaunu, što se vidi iz priloženih dokaza traženih tačkom 3.2. d) pod 2). Shodno tome ponuda grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka nije zadovoljila uslove tražene tačkom 3.1. d) tačka 2. pod III., odnosno, predloženo osoblje ne zadovoljava kriterije iz tražene tačke 3.1. d) tačka 2. pod III Tenderske dokumentacije.

- Ponuda grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka nije zadovoljila uslove tražene tačkom 3.1. d) tačka 2) pod II. Tenderske dokumentacije. Prema priloženim dokazima iz tačke 3.2. d) pod 2) predložena osoba, nije dokazano da Biljana Lubarda ima 10 godina iskustva sa tematikom istraživanja vodene flore, a kako je traženo tačkom 3.1. d) tačka 2) pod II. Tenderske dokumentacije. Ni u priloženom CV ni u Potvrdi izdatoj od strane Prirodno-matematičkog fakulteta Univerziteta u Banja Luci nije navedeno u kom periodu je Biljana Lubarda radila na navedenim projektima.
- Ponuda grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka nije zadovoljila uslove tražene tačkom 3.1. d) tačka 2) pod II. Tenderske dokumentacije. Prema priloženim dokazima iz tačke 3.2. d) pod 2) predložena osoba, Svjetlana Lolić, nema iskustva sa tematikom istraživanja vodene flore, a kako je traženo tačkom 3.1. d) tačka 2) pod II. Tenderske dokumentacije, već je stručnjak u segmentu mikrobiologije. Također, u priloženoj Potvrdi izdatoj od strane Prirodno-matematičkog fakulteta Univerziteta u Banja Luci nije vidljivo da Svjetlana Lolić, ima 10 godina iskustva u segmentu istraživanja vodene flore.
- Ponuda grupe ponuđača Instituta za građevinarstvo "IG" Banja Luka i Prirodno-matematičkog fakulteta Banja Luka nije zadovoljila uslove tražene tačkom 3.1. d) tačka 2) pod IV. Tenderske dokumentacije. Prema priloženim dokazima iz tačke 3.2. d) pod 2) predložena osoba, Radoslav Dekić, nema potvrdu da ima 10 godina iskustva sa tematikom istraživanja ihtiofaune, a kako je traženo tačkom 3.1. d) tačka 2) pod II. Tenderske dokumentacije. U Potvrdi izdatoj od strane Prirodno-matematičkog fakulteta Univerziteta u Banja Luci navedeno je da je Radoslav Dekić na navedenim projektima radio u periodu 2012-2017.
- Izjavom o raspodjeli izvršenja posla članova grupe ponuđača predviđeno je da Institut za građevinarstvo "IG" Banja Luka uradi 40% posla, tj. da radi na verifikaciji preliminarne biotičke tipologije vodotoka s biološkim/ ekološkim podacima te izrađuje operativnu listu taksona za sve biološke parametre. S obzirom da u ključnom osoblju za rad na ovom Projektu nije naveden nijedan ekspert zaposlen u Institutu za građevinarstvo "IG" Banja Luka a da verifikacija preliminarne biotičke tipologije vodotoka s biološkim/ ekološkim podacima te izrada operativne liste taksona za sve biološke parametre zahtjeva veoma stručno i iskusno osoblje, nije jasno a ni dokazano kako će ovaj veoma kompleksan i zahtjevan dio posla biti urađen.

2. Ponuđač PRIRODNO MATEMATIČKI FAKULTET SARAJEVO u predmetnom postupku javne nabavke je dostavilo neprihvatljivu ponudu broj : 01/01-2177-1/1-2018 od 25.9.2018. iz sljedećih razloga:

- Nije ispunio uslov tražen tačkom 3.1 d) 2. I. predmetne tenderske dokumentacije, odnosno iskustvo od najmanje 15 godina na poslovima na definisanja tipologije

vodotoka, definisanju granica ekoregiona i subekoregiona, odabiru adekvatnih indeksa za biološke elemente kvaliteta voda: fitoplankton, makrozoobentos, makrofite i ribe površinskih kopnenih voda neophodnih za klasifikaciju ekološkog stanja voda, definisanju referentnih vrijednosti i graničnih vrijednosti mjerodavnih za visoko, dobro, umjereno, slabo i loše stanje voda, izradi operativne liste taksona za sve biološke parametre kvalitete voda, klasifikaciji biološkog stanja, tzv. omjer ekološke kakvoće (Ecological Quality Ratio – EQR), testiranju veze bioloških zajednica i fizičko – hemijskih parametara, te učešće na minimum dva međunarodna projektu iz oblasti monitoringa površinskih voda. Ponuđač je za vođu tima predložio g. Rifata Škrijelja za kojeg Komisija, iz podataka koji su dostavljeni u predmetnoj ponudi, nije mogla da utvrdi radno iskustvo od 15 godina na gore navedenim poslovima.

- Nije ispunio uslov tražen tačkom 3.1 d) 2. II. predmetne tenderkse dokumentacije. Naime, Ponuđač je predložio g. Samira Đuga u svojstvu stručnjaka za fitoplankton. Komisija, na osnovu podataka iz Ponude, nije mogla da utvrdi potrebno radno iskustvo koje je traženo tačkom 3.1 d) 2. II. predmetne tenderkse dokumentacije.
- Nije ispunio uslov tražen tačkom 3.1 d) 2. IV. predmetne tenderkse dokumentacije. Naime, Ponuđač je predložio g. Enada Korjenića u svojstvu stručnjaka za ihtiofaunu. Komisija, na osnovu podataka iz Ponude, nije mogla da utvrdi potrebno radno iskustvo koje je traženo tačkom 3.1 d) 2. IV. predmetne tenderkse dokumentacije.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema Odluke o poništenju odluke o izboru najpovoljnijeg ponuđača. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka (član 108. stav (1) Zakona o javnim nabavkama BiH).



DIREKTOR

Sejad Delić, dipl.inž.

Dostaviti:

- Sektori 50 i 10
- a/a